



Pou Biblikasyon Imedya: 03/04/2023

GOUVÈNÈ KATHY HOCHUL

**GOUVÈNÈ HOCHUL METE AKSAN SOU KANPAY ANONS SÈVIS PIBLIK PANDAN
MWA LOJMAN SAN PATIPRI A**

Divizyon Dwa Moun lan pibliye kanpay PSA nan tout Eta a ki rele "Lojman San Patipri Bay Pwoteksyon, Konesans Rann Otonòm" pou enfòme Nouyòkè yo sou dwa yo pou yo pa sibi diskriminasyon nan lojman

*Eta a pral òganize konferans sou lojman san patipri nan Vil New York nan 5 avril;
Konferans sou lojman san patipri nan Albany nan 25 avril*

Gouvènè Kathy Hochul te anonse jodi a ke nan kad Mwa Lojman San Patipri mwa avril sa a, Divizyon Dwa Moun Eta New York - an patenarya ak Depatman Lojman ak Devlopman Iben Etazini (U.S. Department of Housing and Urban Development, HUD) - pral pibliye yon kanpay medya anons sèvis piblik, "Lojman San Patipri Bay Pwoteksyon, Konesans Rann Otonòm". Kanpay sa a pral edike piblik la sou dwa yo genyen pou yo pa sibi diskriminasyon nan lojman epi yo pral difize sou radyo, nan espas transpò piblik yo, sou rezo sosyal yo, ak sou tablo afichaj nan Albany, Syracuse, Rochester, ak Buffalo.

"Mwa Lojman San Patipri sa a, administrasyon mwen an rete angaje pou asire ke tout Nouyòkè yo gen aksè a yon kay ki an sekirite ak bon mache", **Gouvènè Hochul te deklare.** "Atravè kanpay sa a, nou pral enfòme Nouyòkè yo sou dwa yo genyen pou yo jwenn pwoteksyon kont diskriminasyon nan lojman - ede kreye yon New York ki pi ekitab, estab, ak abòdab pou tout moun".

Anplis kanpay sèvis piblik la, Divizyon Dwa Moun an patenarya ak Biwo Renouvelman Kay ak Kominote nan Eta New York, ak Depatman Deta Eta New York pral òganize de konferans an pèsòn sou lojman san patipri nan Vil New York ak Albany pou edike piblik la ak pwofesyonèl byen imobiliye sou Lwa sou Dwa Moun nan jan li gen rapò ak lojman san patipri epi dwa ak responsabilite ki asosye yo. Konferans an pèsòn yo pral gen ladan panèl ekspè ki kouvri pwoteksyon legal kont diskriminasyon ke yo ofri lokatè ak moun k ap achte kay yo. Pral genyen tou kredi pou edikasyon kontinyèl ak kredi pou edikasyon jiridik kontinyèl yo ofri pou pwofesyonèl byen imobiliye ak avoka atravè panèl sou litij enpak ak obligasyon legal endistri imobiliye a.

Lojman San Patipri Bay Pwoteksyon, Konesans Rann Otonòm: Vil New York

Ogmante Ekite Atravè Règleman, Pratik ak Edikasyon

KILÈ: 5 avril, 10:00 AM - 3:00 pm (Pòt yo ouvri nan 9:00 AM)

KI KOTE: National Museum of the American Indian, 1 Bowling Green, New York, NY 10004

[ENSKRI ISIT LA](#)

Lojman San Patipri Bay Pwoteksyon, Konesans Rann Otonòm: Albany

Ogmante Ekite Atravè Règleman, Pratik ak Edikasyon

KILÈ: 25 avril, 10:30 Am - 4:00 PM (Pòt yo nan 10:00 AM)

KI KOTE: New York State Museum, Huxley Theater, 222 Madison Avenue, Albany, NY 12230

[ENSKRI ISIT LA](#)

Komisè Divizyon Dwa Moun Ian, Maria Imperial, te deklare, "Lojman se yon dwa moun. Divizyon an dedye pou elimine diskriminasyon nan lojman atravè eta nou an. Gouvènè Hochul te siyen plizyè ekspansyon lwa sou lojman san patipri nan eta a ki pèmèt nou fè avanse dwa moun pou tout moun. Ajans nou an pral kontinye edike Nouyòkè yo sou dwa yo epi bati kominate atravè evènman tankou konferans pou lojman san patipri nou yo".

Sekretè Deta a, Robert J. Rodriguez, te deklare, "Tout Nouyòkè merite aksè a yon lojman ki san patipri ak ekitab nan eta nou an san diskriminasyon. Gouvènè Hochul te yon defansè san pran souf nan efò li pou ede inogire yon nouvo épòk ekite ak jistis pou moun k ap achte kay ak lokatè yo lè li pwomouvwa transparans ak responsabilite nan endistri lojman an".

Komisè Biwo Renouvelman Kay ak Kominote a, RuthAnne Visnauskas, te deklare, "Lwa federal sou Lojman San Patipri a ak pwòp lwa New York yo rann ilegal zafè fè diskriminasyon kont moun k ap chèche achte oswa lwe yon kay. Elimine obstak nan lojman se yon travay enpòtan ki mande kolaborasyon atravè endistri ak sektè yo. Biwo Renouvelman Kay ak Kominote kontan dèské evènman Mwa Lojman San Patipri sa yo reyini yon seri pati ki konsène divèsifye—soti nan byen imobiliye ak bank rive nan avoka—pou aprann sou pwoblèm lojman san patipri enpòtan jodi a. New York se yon lidè nan pwoteje lokatè ak pwopriyetè kay. Nou pral kontinye travay epi gaye pawòl la pou asire Nouyòkè yo ka viv nan yon kay yo chwazi san diskriminasyon".

Majistra Albany an, Kathy Sheehan te deklare, "Tout moun merite jwenn aksè nan lojman ki an sekirite ak abòdab. Albany genyen yon Lwa sou Dwa Moun Omnibus ki asire plis toujou ke rezidan yo pwoteje kont diskriminasyon nan lojman epi li ede bay resous pou moun ki te sibi pratik mechan sa yo. Mwen felisite Gouvènè Hochul paske li te dirije efò sa a pou raple Nouyòkè yo dwa yo epi konekte rezidan yo ak lojman ke yo ka fyè de yo".

Majistra Syracuse, Ben Walsh, te deklare, "Nou vle moun yo konnen kisa pou yo fè si yo kwè yo fè diskriminasyon kont yo nan lojman. Mwen remèsyé Gouvènè Hochul

paske li enkli Syracuse nan kanpay Lojman San Patipri Bay Pwoteksyon, Konesans Rann Otonòm. Anons sèvisiblik nan medya tradisyonèl ak dijital pral ede bay moun enfòmasyon yo bezwen pou pwoteje tèt yo ak fanmi yo".

Majistra Rochester, Malik D. Evans, te deklare, "Mwen vle remèsye ak felisite Gouvènè Kathy Hochul poutèt li te pote atansyon ki nesesè anpil sou enjistis diskriminasyon nan lojman ak pou angajman li pou bay tout rezidan Eta New York aksè a yon lojman ki an sekirite, bon jan kalite ak abòdab. Reyalize dwa moun fondamantal sou sekirite nan lojman se yon eleman enpòtan nan travay nou pou kreye yon Rochester ki an sekirite, ekitab ak pwospè".

Gen plis enfòmasyon sou efò Eta New York pou lojman san patipri ak kanpay sèvisiblik la ki disponib sou sitwèb Divizyon an nan dhr.ny.gov/fairhousing.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418